

58  
ARCHAEOLOGIAE GEORGICAE SPECIMEN

DE

RE RVSTICA

VETERVM HEBRAEORVM

CVIVS PARTICVLA SECVNDA



LVSTRATIONIS SCHOLASTICAE

SOLEMNIA

JVSSV ET AVCTORITATE

VENERANDI CONSISTORII

*a. d. IV. Cal. Octobr. A. O. R. MDCCLXXXVI.*

PVBlice CELEBRANDA,

EA, QVA DECET, OBSERVANTIA ET PIETATE

INDICIT

J. O. GEORGIVS PURMANNVS,

GYMNASII RECTOR.



FRANCOFVRTI ad MOENVM

EXCVDEBAT SCHEPER & SAVERLAENDER.

VANIERIVS.

Quæ bona sunt propriaque valent virtute, placebunt  
Vsque magis.

58700(6)








**M**emoratu digna sunt verba, quibus Moses, in confinibus Palæstinæ constitutus, eam & soli fertilitate, & frugum varietate, Aegypto longe esse superiorem, declarat; terra, inquit, in cuius possessionem inuaditis, non similis est Aegyptiæ terræ, ex qua emigrastis, quam seminibus quidem vestris conferebatis, sed ope pedum hauriendo aquam, irrigare debebatis; hæc enim terra, quam petitis, montes habet et valles, & cœlestem pluviæ aquam potat, ex qua non frumentum solum, sed mustum etiam atque oleum percipietis, & gramen ad pecus vestrum alendum. Deut. XI, 10—12. Jam vero Aegyptum frumenti fuisse feracissimam, ex antiquorum testimonio satis abunde constat; iactas enim sementes interdum augmento septuagesimo renasci, AMMIANVS MARCELLINVS testatur (L. XXII. c. 15) Quis nescit, hanc prouinciam & quasdam alias, fuisse firmissima reipublicæ romanæ frumentaria subsidia, unde, quotiescumque inopia laboraret, multa millia modiorum frumenti adueherentur? Maxime ad hanc rem pertinent, quæ PLINIVS inquit: percrebuerat antiquitus, urbem nostram nisi opibus Aegypti ali sustentarique non posse; superbiebat ventosa & insolens natio, quod victorem quidem populum romanum, pasceret tamen, quodque in suo flumine, in suis navibus, vel abundantia nostra, vel fames esset. (PLIN. PANEG. c. 31) Neque hodie Aegypto hac in re suus deest honor. Hic enim, ut nusquam fere alibi, minimis sumtibus & laboribus colliguntur fruges, quam rem inundationi Nili potissimum acceptam esse referendam, omnes norunt. Fertilitas limo relicto tanta est, ut Aegyptii quam sæpissime illam sabulo miscere cogantur, ne semina in hoc pinguiori nitrosoque solo iacta pinguedine pereant. Ex solo flumine in Aegypto siue frugum abundantia, siue earundem inopia nascitur. Certis igitur hominibus olim demandatum fuit, ut, quot cubitis amnis, cum maximus esset, adsurgat, diligenti cura perciperent; quod ut fieri commode





posset, instrumento quodam utebantur, quod Nilometrium vocare solebant, cuius formam ita describit STRABO: nilometrium, inquit, est puteus quidam, prope urbem Syenen, in Nili ripa ex integro lapide constructus, in quo & maxima, & minima & mediocria Nili incrementa adnotantur; nam putei aqua cum Nilo pariter crescit & decrescit, in eius pariete sunt notæ quædam, incrementorum omnium mensuræ. (STRABO GEOGR. L. XVII. p. m. 630) Hodie quoque eiusmodi instrumento utuntur. In capite insulæ cuiusdam est atrium aliquod magnum, fornicibus circumdatum, in cuius medio ingens est cisterna, ad quam vndique gradibus marmoreis descenditur; in media cisterna extat columna marmorea erecta, cubitorum digitorumque interiectorum numero signata; ad hanc cisternam devenit aqua per canalem amplum, ex Nilo ductum, ad cuius incrementum aqua in cisternam influit; publice constituti sunt, qui singulas aquæ vicissitudines notent, populoque indicent, nemini autem nisi religioni muhammedanæ addicto, per superstitionem huic genti propriam, adesse licet: ipsum hoc instrumentum hodie vocatur Mikkias. (*Niebuhrus in itineralio* T. I. p. 125) Quodsi igitur Nilus aut non sufficienter turgescit, aut modum iustum excedit, ut aquis diutius immorantibus fata ad maturitatem peruenire non possint, oritur inde calamitas, qua maior Aegypto accidere non possit; sin vero ita inundat, ut largior messis expectari possit, populus operibus exsolutus ad animi relaxationem conuertitur, perpetuo epulatur, omnibus gaudiis fruitur. Quantæcunque autem sint commoditates, quibus Aegyptus ex inundatione Nili fruitur; non minora tamen sunt incommoda ex eodem fonte prouenientia, adeo, ut incolæ fertilitatem agrorum sæpe magni emere cogantur. Ex illo limo pinguiissimo, qui in patentibus campis relinquitur, multa nascuntur insectorum genera, quæ si moriuntur, putrescunt, aëremque sæpe reddunt veneficum. Idem malum ingrauescit, luto, quod relinquitur, in vapores resoluto. Hinc est, quod Aegyptum esse pestis patriam, ex qua in alias regiones propagetur, & veteres & recentiores rerum naturalium magistri opinentur. Passim existunt paludes, ubi lepra, elephantiasis, aliaque morborum pestiferorum genera nascuntur. Alia incommoditas ea est, ut cum Aegyptus pluuiâ plerumque



que carere dicatur, Nilotica autem aqua, si vel alueum fluminis transcendat, agros editiores inundare non possit, opera & studio ad aquam in eos euehendam maxime opus sit. Non sine molestia ac labore variis instrumentis hydraulicis uti coguntur, quibus prolixè describendis animus iam non vacat. Ne tamen proisus ἀσυμβολοί discedamus, vnicum tamen breuiter attingemus, cuius similitudinem aliquam in scriptis mosaïcis iamprehendere nobis videmur. In medio elicis sunt gradus quidam, quibus rusticus agros irrigaturus insistit, iisque rotam vrceis aut aliis vasis instructam circumagit; quod cum agit, fulcrum aliquod manibus adprehendit, ubi adhærens totum corpus suum suspendit, & loco pedum manibus, loco manuum pedibus utitur. (*Niebuhrus* l. c. l. 148) Nonne hoc idem esse videtur, cuius Moses loco supra citato mentionem fecit, Israëlitas in Aegypto pedibus suis agros irrigasse inquiens? Quantæ molestiæ hoc esse putemus? quibus impensis opus esse, præsertim si aqua per longiorem aliquem tractum ducenda sit? A Babylone usque ad Nilum iugum aliquod descendit, per quod aqua rotis & cochleis a flumine trahitur, centum & quinquaginta hominibus captiuis perpetuo opus facientibus. Præterea tanta est terræ siccitas & ariditas, ut si ea minuenda sit, terraque ipsa fecundior reddenda, non satis sit, eam modice tantum irrigari, sed quam plurimis diebus largissima copiosissimaque aqua videntem atque tectam manere.

Melius hac in re natura Palæstinæ consuluit, quippe cui non solum fontes & fluuios abunde attribuit, sed aqua etiam coelitus delapsa regiones, quæ iis carent, ad summam fertilitatem faciendam irrigauit. Multum ad hanc rem attulit altissimus mons Libanus. Ex hoc monte fons oritur, qui Cant. IV. fons hortorum adpellatur, primo quidem ortu perexiguus, sed modico interiecto spatio adeo inualescens, ut in planitie flumen magnum efficiat. Hic est ille Jordanes, cuius in sacris literis crebriorem mentionem fieri nemo nescit. Verno potissimum tempore, si niues huius montis liquecunt, amnis eximie augetur, & intumescit, terram inundat eamque fecundam reddit. Amnis est amœnus, & ubi locorum situs patitur, ambitiosus; ubi conuallium est occasio, in lacus sese fundit. (*Plin.*





*Hist. nat.* V. 5) Hæ aquarum collectiones regiones quidem irrigant, sed non eo vsque, vt stagnantes frugum maturitatem impedian; æstiuus enim caloribus interdum exsiccantur, & vbi colluuius erat aquarum, ibi arbuta & herbæ in filuulæ modum adeo densæ crescunt, vt leones, vrsi, aliaque siluestria animalia latitent. (*Harinar observationes in orientem* T. II. p. 240) Ex hac quoque causa diuersæ de magnitudine huius fluuii existunt peregrinantium sententiæ, cum alii eum nominant latissimum, alii angustum, prouti scilicet diuersis visus est temporibus; mensibus enim Septembri & Octobri, cum Iordanes, tum alii Palæstinæ fluvii nec alti nec rapidi sunt, sed pauperes potius & diminuti, contra adpropinquante vere turgidi & aquarum plenissimi, niuib; liquefactis & in eum defluentibus. Hic fuit perennis aquarum fons, nunquam deficiens, cum Libanus ardentissimo etiam urgente sole, nunquam non niue obtectus est. Jer. XVIII, 14. qui propterea & a Chaldæis & ab Arabibus mons niuis vocari solet. Sunt quidem ex recentioribus, qui hunc montem niuib; nunquam carere negent, sed eum potius albis tectum esse lapidibus, qui e longinquo niues esse videantur, strenue adfirment. Schulzius, qui Evangelii præco multum temporis in illis regionibus versatus est, ait, se initio ipsum fuisse deceptum, quum autem adscenderit montem, non esse niues, sed albos lapides, suis oculis vidisse.

*Leitungen des Hoechsten nach seinem Rath*, T. V. p. 471.

Quid ergo in hac narrationum discrepantia dicamus? Totus error ex eo oriri videtur, quod Libanum ab Antilibano, non accurate satis distinxerunt. Illi montes, ad partem orientalem positi, sub quorum vertice oritur Iordanes, a Græcis Romanisque vocatur Antilibanus, ex cuius vertice summam niuis copiam in vrbes deferri, & in tabernis per totam æstatem ad potus refrigerandos, proflare venalem, omnes peregrinatores vno ore narrant; illi vero montes, qui prope mare mediterraneum iacent, quos vidit SCHVLZIVS, cedris confitos albisque lapillis opertos esse, iidem adfirman. Quæ ad vtramque huius fluuii ripam iacent valles, optime excoluntur, vberes sunt aruis, pascuis, vineis, hortis, pomariis, omnibusque campestribus bonis, Aegypto nulla ex parte inferiores. Gen. XIII, 10.


Non



Non vnicus autem hic fluit fluuius, a quo Palæstina magnam fertilitatis suæ partem retulit; sed fuere alii etiam, quibus ea irrigua facta est. In regione trans Jordanem sita erat Arnon, ex Arabiæ finibus oriens, & magnam deferti partem perlabens; erat Jabboc non longe a mari Tiberiadis in Jordanem influens; erat Jarmoch, qui teste PLINIO urbem Gadaram præterlabebatur. Ex altera quoque Jordanis parte non pauca erant flumina, quæ Palæstinam irrigabant. Memorantur Rhinocolura, Cana, Chischon, Lante, Crith, aliaque minoris nominis. Nonnulla eorum fuerunt perennia, nunquam non fluentia, quæ נְהָרִים vocabantur; alia, quæ vocabantur, נְחָלִים torrentes, quæ non de fonte, neque de aqua viua, sed a pluuiis, vel de montibus in valles descendebant, æstate autem siccabantur, hiemalibus vero aquis inundata currebant. Præter fluuios Palæstina suos quoque habuit fontes, quorum qui erant notatu digniores, in sacris litteris memorantur, v. g. fons Siloam, fons Jsreeliticus, Charod, Neptoach, Jos. XV, 19. Jud. VII, 1. 1 Sam. XXIX, 1. Inter eos erant, quos hyeme aruisse, æstate autem vbertim fluxisse memorant. Aquarum fontis Etam tanta est vis, vt cum ex interioribus soli visceribus prorupit, in venas sectus, in varios riuos sese effundat, qui tubis sub terram elaboratis profluunt. Ad hanc naturæ liberalitatem accessit industria incolarum, aquas fluuiatiles in ea loca, in quæ per naturam penetrare non poterant, arte & opera deriuantium. Eiusmodi aquæ ductuum iam Hiskiaë temporibus mentionem factam esse legimus 2 Paral. XXXII, 3. 4.; hic enim rex, adpropinquantibus Assyriis, fontanas aquas obturauit & obstruxit, ne, si venissent, tantum aquæ inuenirent. Ad aquas scilicet e fonte recipiendas locus subter terram erat excauatus, cuius ostium desuper, ne cuius patefceret, aut lapide aut terra erat obtectum; sub terra aqua canalibus siue in campum ad irrigandos agros, siue in urbem ad potum hominibus animalibusque præbendum, ducebatur. Cum cisterna duplici gauderet emissario, altero in campum, altero in urbem ducente, rex illud terra obstrui, hoc autem liberum relinqui iussit, quo ciuibz aquæ copia suppeteret, hostibus autem urbem obsidentibus subduceretur. Aquis ex eiusmodi cisternis deriuatis, si pluuia cessabat, abunde agri irrigabantur.

Ne






Ne autem quisquam parte sua defraudaretur, secundum traditionem Tal-  
mudistarum præpositus erat aliquis, qui quo die, quantum quisque hauri-  
ret, ordinaret, & qui eos, qui contra præceptum facerent, mulctaret.

Maximum autem naturæ beneficium, quo Aegypto Palæstina longe  
erat superior, aquæ præbuerunt cœlitus demissæ; quanta autem pluui-  
arum aquarum præ fontanis aut fluuiis ad fœcundandos agros sit præ-  
stantia, nemo nisi rerum rusticarum plane rudis ignorat. Aqua pluuialis,  
vt BARTHOLINI verbis vtamur (*de aquarum proprietatibus* L. XIII. p. 553.)  
ex se lucida est & clara, subtilis, levis ac sapida, nihil peregrini admix-  
tum habet; quando cadit cum tonitru, adprime utilis est ad fœcundita-  
tem, tonitru enim motu suo discutit vaporem, aquasque & subtiliores &  
puriores reddit. Olim quidem, Aegyptum hoc beneficio prorsus carere,  
vulgo creditum est; hodie vero rem paullo aliter se habere, compertum  
habemus. Qui hanc regionem paullo accuratius perlustrarunt, eam non  
omni quidem pluvia carere, sed eam parcissime tamen cadere, adfirmant.  
Cum ergo Psameniti, regis Aegyptiorum, tempore, apud Thebas Aegyp-  
tias plueret, pro maximo id habitum fuit portento (Herodot III, 3) Eæ  
autem terræ partes, quæ propius mare adjacent, mensibus præsertim hi-  
bernis, nonnunquam imbribus irrigantur. Plenior huius rei descriptio-  
nem suppetitat PROSPER ALBINVS, raro, inquiens, decidunt pluviæ, quod si  
contingat, tanquam ros est; Cairæ inquam, quandoquidem Alexandriæ Pe-  
lusique & in omnibus locis mari adjacentibus sæpe pluit & largissime, No-  
vembrique facilius quam Decembri, id contigit, quod eo mense aër est  
frigidior. Hæc est temperies aëris locorum, qui a mare longe distant, per  
omnia anni tempora obseruata; loca mari proxima aëre vtuntur minus ca-  
lido & sicco, ibique largissime pluiere solet (*de medic. Aeg. p. 24.*) Vtut  
autem hæc sint, Palæstina tamen Aegypto hac in re palmam omnino præ-  
ripit. Aestiuo quidem tempore cœlum valde est constans, terræque per  
aliquot menses imbribus plane carent; hinc factum est, vt nonnulli, qui hoc  
anni tempore per Palæstinam iter fecerunt, tantopere de siccitate & aridi-  
tate eius conquesti fuerint: sed nihil hoc facit ad fertilitatem terræ immi-

nuen-





nuendam: mense enim Septembri ruere solent pluuiæ, non quidem continuæ, nec diu durantes, sed tamen tam largæ, vt terram exsiccatam humectare valeant; postea cœlum rursus triginta dierum spatio fit serenum, quibus præterlapsis pluuiæ sequitur copiosa & permanens, quæ affatim aquarum campis, fontibus & lacubus præbet: tunc desinunt imbres ad mensem vsque Martium, quo tempore rursus pluuiæ descendit, messē antecedens, segetemque in stipulis suis implens. Ab eo tempore cœlum nubibus depulsis fit serenum, & durante tota æstate pluuiæ nunquam decidunt. Hinc inexpectatissimum fuit Israëlitis, & portenti loco habitum, quod tempore messis triticæ ad Samuelis preces pluuiæ descenderit. (1 Sam. XII, 17) Hac de causâ illæ quoque leges, quas Deus Hebræis de sanctificando sabbatho dedit, huic aëris constantiæ aptissimæ fuerunt; cum enim tempore messis, opera rustica interueniente pluuiæ non interpellatum iri certi esse possent, non necesse habuerunt, diem, qui metendis & condendis frugibus aptus esset, aucupari, sed quieti & securi sabbatho operam dare potuerunt. Hoc vero in illis regionibus, quæ per æstatem pluuiis ac tempestatibus obnoxia sunt, fieri non posse, cuius facile est intellectu; accidere enim posset, vt die forsan sabbathi cœlum esset serenum, reliquis pluuiæ tempestate inquietum, tunc aut sabbathi leges migrare debuissent, aut non licuisset maturis frugibus uti, easque in horrea inuehere. Quæ autem in Palæstina cadunt pluuiæ, lingua Hebræorum vernacula peculiaribus nominibus insigniuntur; ea quidem, quæ sub tempus autumnii cadit, יורה, quæ vero adpropinquante vere decedit, מלקוש vocatur. Quamquam inter linguarum magistros de ipsa re satis conuenit, vt inter philologos scilicet conuenire solet; de nominis tamen ratione reddenda in varias discedunt opiniones. Quod ad vocem יורה attinet, nonnulli eam a verbo ירה, quod in coniugatione Hiphil, docendi, instruendi, notionem habet, deriuant, & hanc pluuiam ita dictam esse putant, quod doceat homines & instruat ad ea facienda, quæ ipsis necessaria sint, agrum scilicet arare & semina spargere: alii autem, nostra quidem sententia melius, huius vocis originem in verbo ירה quærent, cui saturandi & irrigandi significatio subiecta est; quæ denominationis ratio cum ipsa re commode





conuenit. Rabbinī in scriptis suis hanc pluuiam רביעה vocant, quasi terram ineat ad producenda concepta semina. Septuaginta interpretes eam per *νετον πρῶτον* i. e. pluuiam tempestiuam (germanice Frühregen) reddunt, scilicet secundum computationem anni iudaici, qui ab mense Tifri, nostro Septembri plerumque respondente, initium capit. De altera voce מלקוש non est dubium, quin pluuiam serotinam denotet. Licet tempestatum vicissitudines in regionibus orientalibus constantiores regulas sequantur, quam alibi terrarum; tamen, quas diximus, pluuias quotannis eodem die redire minime putandum est. In Arabia pro diuersitate regionum tempestatis quoque rationem esse diuersam, NIEBVRIVS docet; in partibus montanis, inquiens, a mense Junio usque ad septembrem cœlum semper esse pluuium, in partibus campestribus autem raro ultra viginti quatuor horarum spatium; idem, quo largior verno tempore pluuiæ decadat, eo lætiores narrat expectari messēs (*descript. Arab. p. 3.*) In Palæstina circa medium Septembrem plerumque pluere incipit, interdum etiam Nouembri demum mense. Talmudici doctores perhibent, si tertio aut septimo Octobris die non pluisset, Judæos publicis precibus Deum opem auxiliumque rogasse; si siccitas ad mensē vsque Novembrem durasset, tunc ieiunia plurium dierum fuisse indicta (*tract. Misch. Taanith, c. 2.*) Ab hisce ergo pluuiis omnis expectanda erat terræ fertilitas, quæ si propter contumaciam & peruicaciam Judæorum, a Deo cohiberentur, summa inde nascebatur miseria.

Alia prærogatiua, qua Palæstina ex verbis mosaïcis supra adlegatis Deut. XI, 10. Aegypto erat superior, in regionum varietate erat posita, cum & montes, & valles patentes habuisse narratur; vnde frugum quoque prouentuumque terræ diuersitas oriatur necesse fuit: vt enim non omnis fert omnia tellus, ac in omni re rustica multum nosse refert, quid quæque ferat regio, quid ferre recuset; ita, quod fructuum genus Hebræis per naturam terræ suæ negatum fuerit, non videmus. Habebat illa suos campos, agris frumentariis adprime idoneos. Erat magna quædam planities, Josepho *μεγα πεδιον*, i. e. campus magnus dicta, quæ a mari Tiberiadis ad fines vsque Palæstinæ australes sese extendit, quæ in longitudi-

nem





nem stadia mille & ducenta, centum & viginti in latitudinem, circumdata ex utraque parte montibus sibi inuicem succedentibus & cohærentibus; per mediam interfluit Jordanes. Præter hanc planitiem alius erat campus, eodem campi magni nomine insignitus, qui ab vrbe Iesreel nomen suum sortitus, versus urbem Ptolomaida se extendit. Multa alia erant campestria loca, quæ a monte Carmelo versus meridiem vsque ad terminos terræ Israeliticæ australes cernebantur. Hic lætæ vigeant segetes, & arua bene culta omnis generis fruges ferebant; non minus hic pascua erant, alendis pecoribus apta. Eundem usum præbebant valles, quarum bene multæ inter montes intercipiebantur, quarum aliæ hyeme aquas recipiebant, aliæ iis carebant. Fuerunt quidem,

quo se demittere riui

Adfuerant pluuiæ aquæ; tenet ima lacunæ

Lenta salix, vluæque leues, iuncique palustres,

Viminaque, & longa parvæ sub arundine cannæ;

fuerunt autem etiam, quæ hortorum instar cultæ, olera aliasque delicias, & ruris opes ferebant. Magna tamen, immo maxima terræ Israëliticæ pars montana fuit. Vtrumque latus Jordanis ingenti tractu montium septum erat; tribus Naphtali, Ephraim & Juda, multitudine montium celebres fuere. Si quis Ptolomaide Hierosolymas proficiscebatur, primo quidem via per amœnissimas valles & planities ducebat, sed non multo post plane alia terræ facies se ostendit, & nil nisi rupes & præcipitia conspiciuntur. Ita scribit MAVNDRELIVS, qui ipse per has regiones iter fecit, idemque ait, horridarum illarum rupium adspectum prima quidem fronte oculos animosque peregrinantium percellere, cum hæc non videantur convenire cum laudata illa fertilitate, qua quondam tot millia Hebræorum solis suis operibus & prouentu terræ nutrita & sustentata fuisse dicuntur; sed simul observat, illos montes & rupes olim terram tectos fuisse & cultos, quod ex reliquiis lapidum per certas series in iis dispositorum, ut terram coercerent, ne a pluviis raperetur in valles, & aliis indiciis, liqueat (*in itinere Hierosolym.* p. 148.) Qui igitur per omnem Palæstinam disseminati quasi erant montes, non





omnes asperi erant & saxosi, sed virides potius, arboribus vineisque ornatissimi. Hoc tamen non ita intelligendum est, quasi nullus in tota terra tractus fuerit salebrosus & infœcundus; in quam enim terram inueniatur regio, quæ non quosdam habeat locos steriles? Scopulosi quidem montes agriculturæ minus sunt idonei, oletis tamen & vinetis aptissimi, ex quibus Palæstinam non minorem, quam ex agris frumentariis percepisse vtilitatem constat. Eadem ferme hic erat ratio, quam Cato tribuit Italiæ, quam vnusquisque fertilitate reliquis fere regionibus omnibus anteponendam esse arbitratur. Ita vero ille: de omnibus agris, optimoque loco, si emeris iugera agri centum, vinea est prima, secundo loco hortus irriguus, tertio salictum, quarto oletum, quinto pratum, sexto campus frumentarius, septimo filua cædua, octauo arbuſtum, nono glandaria filua. (*de re rustica* c. 4) Alma igitur parens, natura, splendida sua bona fœcundo sinu in Palæstinam effudit, & quæ fuerunt partes campeſtres, frumento & pabulo, quæ vero fuerant montanæ, vino, oleo aliisque fructuum montanorum generibus, plenissime ditauit. Quod vt eo melius intelligatur, prouentuum, quibus terra Iſraëlitica maxime ſuperbiuit, breuem ſuppeditabimus descriptionem.

Varia fructuum genera, quibus Palæſtina maxime floruit, in ſcriptura ſacra memorantur. Primum in iis locum obtinet triticum, cuius quæ ſit natura ac ratio, omnibus notum eſt. Ebraice dicitur *חִט* ſine dubio a radice *חִט* quod apud Arabes pinguedinis notionem inuoluit. Fuit hoc vſitatiffimum frumentum, ex quo Hebræi panem aliaque alimentorum genera ſibi pararunt. Idem honor huic frumento ab aliis populis habitus eſt, idque, vt eſt apud COLVMELLAM (*de re rustica* II. 6. 1.) primum & vtiliffimum fuit. Mira eius fuiſſe apud veteres memoratur fœcunditas, adeo vt e modio, PLINIO teſte, ſi ſit aptum ſolum, quale in Byzacio Africæ campo, centeni quinquaginta modii redditum fuerint; miſit ex eo Auguſtus Procurator ejus vno grano quadraginta paucis minus germina, miſitque & Neroni ſimiliter trecentas & ſexaginta ſtipulas ex vno grano. Cum centiſſimo & Leontini Siciliæ campi fuderunt; inuentus & ſcapus vnus centum fabis onuſtus (*Hiſt. Nat.* XVIII, 10) Palæſtinenſe inprimis triticum  
pretii.



pretii sui honore omnes alias regiones visit, adeo ut ipsum Aegyptium, quod tantopere alias laudabatur, posteriores ferret: CELSIVS enim, comparatione hoc inter & illud instituta, quindecim tritici Palæstinensis modios eandem præbere farinae quantitatem, quam viginti tritici Aegyptii modios, & insuper bonitate etiam & candore præcellere, ait. (*in Hierobotan.* Tom. II. p. 114) Huiusce frumenti tam ferax erat regio, ut non incolis solum nutriendis abunde sufficeret, sed ad externos quoque magna eius copia exportaretur. Salomonem quotannis viginti cororum millia regi Tyrriorum dedisse legitur 1. Reg. V, 11. & Ezech. XXVII, 17. triticum inter ea mercimonia numeratur, quæ Phœnices, tunc temporis mercaturæ soli dediti, ab Israëlitis accepta in alias regiones omnes deuexerunt. Deus ergo summam, quæ esse posset, prosperitatem Israëlitis, leges suas seruantibus, exhibiturus, se eos tritici polline ac flore saturaturum esse promisit, Psalm. LXXXI, 17, CXLVII, 14. Idem vero iis contumacibus ac leges diuinas migrantibus infortunium minitaturus, agros loco tritici spinas laturus esse denunciat. Jer. XII, 13. Neque hodie huic terræ, quamuis incolarum pigritia atque barbarie maximam partem incultæ, suus deest honor; NIEBVHRIVS enim, hac in re auctor classicus, largissimas exoptatissimasque eius narrat messes, huiusque fecunditatis, simulque & frumenti præstantiæ ex eo depromit causam, quod agri non fluuiali, sed pluuiali aqua inundentur? Quæ veteres de tam insigni tritici fecunditate narrant, ea nonnullis hodie incredibilia videntur; fieri quidem posse putant, ut grana singulatim sata ita sese multiplicent, ut sationem centuplam, imo numerosiorem etiam reddant; sed in agro id fieri posse negant, ubi, licet quoduis granum sparsum in culmos excreseat, ii tamen propter densitatem ad maturitatem peruenire non possint. NIEBVHRIO igitur eiusque comitibus in terras Arabicas proficiscentibus id negotii datum erat, ut agricolis consultis, quidnam huius rei esset, plenior probabilioremque huius quæstionis explicationem dare studerent. Illi quidem non defuerunt, quin dedita opera hanc rem exquirere studerent, nec tamen ita explanarunt, ut nullus dubitationi locus relinqueretur. Vbi solum optimum & pinguiissimum est, ibi sementis ad summum duodecies aut decies quinquies, in quibusdam regionibus





parcius etiam redditur. Putant ergo, si de eiusmodi prodigiosa frumenti multiplicatione sermo sit, id non de tritico, sed alio quodam frumenti genere, quod Durram vocant, esse intelligendum, quippe quod singulis annis tribus vicibus meti posset (*Niebhrii descript. Arabiæ* p. 151) Quid autem, si non de vniuersa messe, sed singulis tantum aristis, ex vno granulo diuersis culmis nascentibus, explicemus? neque enim in nostris regionibus plane insolitum habetur, centum aut plura etiam grana ex vno culmo prouenire. Vocula שורה, quæ *Jes. XXVIII, 25.* tritico adiecta legitur, non vno modo ab interpretibus explicatur. Nonnulli eam, per ordinem, seriem, mensuram, explicant, & ad ipsam sationem referunt, vt sensus sit, triticum certo ordine ac serie in terra poni. Hanc explicationem vulgatus interpres sequitur, qui in suo exemplari forte שורה legit. Alii autem hanc vocem ad sationem referri non posse putant, quod triticum terræ commitendum, æque spargatur ac cætera semina; sed ea potius tritici proprietatem indicari perhibent. Originem vocis ergo in verbo arabico שור, quod pinguedinem notat, quærent, idemque esse putant, quod triticum pinguisimum ac præstantissimum (*Lowthius ad h. l.*) Septuaginta interpretes hanc vocem prorsus omittunt, vnde nonnullis suspicio nata est, eam a librariis esse insertam, eamque lectionem ex sequenti voce שעורה perperam esse ortam. Cum hæc vox inter alia frumentorum genera posita inueniatur, eam peculiare aliquod genus indicare perhibent; quod illud autem sit, difficile dictu esse putant; quoniam hæc vox nusquam alibi in sacris litteris occurrat. Sequuntur igitur coniecturam, forte oryzam, præstantissimum in oriente frumentum, ex quo optimus conficiatur panis, quodque in multis locis cibus sit quotidianus, ea indicari. Ex eadem arabica radice שור quæ pinguedinis notionem subiectam habet, eam deriuant; nullum enim frumenti genus oryza pinguius dici posse putant; terræ etiam Palæstinensi maxime egregieque convenire, præsertim in locis palustribus riuisque, & prope Jordanem hodie quoque multum oryzæ inueniri. Sæpe mirari nonnullos subiit, cum oryzam non in India solum, sed Babylonio etiam regno, & in Susio, inferiore etiam Syria, nasci constat, nusquam expressam eius in sacris litteris inueniri mentionem; ambabus igitur manibus, quam sup-  
pedi-



peditauimus, vocis שורר explanationem adripiunt, vt hoc saltem dubium effugiant. Aliam quoque vocem sibi inuenisse videntur, quæ oryzam denotet, ריפור quæ 2 Sam. XVII, 19, Prov. XXVII, 22. occurrit. Sed cum hæc vox generatim frumentum contusum denotet, & 2. Paral. II. 10. per מנור הטיס triticum contusum explicetur, non multum huic opinioni tribuimus. Aut nusquam igitur, aut in voce שורר oryzæ vestigia latere putamus.

Triticum sequitur hordeum, frumentum non minus nobile ac in Palestina vsitatum. Patria quidem eius Aegyptus esse dicitur, nec tamen in terra Cananæa fuit peregrina. Ebraice nomen suum שערור a verbo שער pilosus, horridus fuit, nactum est, vt apud Latinos hordeum ab horrido dictum esse videtur. Duplex eius in oriente inuenitur species; vna hordeo nostro simillima, sed saporis iucunditate illud facile superans; altera vero nigra, iumentorum potissimum pabulo destinata. Illa forma erat rotundior, hæc longiore; illa autumnno ferebatur, hæc ineunte vere. Vnde & nonnulli linguarum magistri nobiliorem eius speciem per olyram, siue zeam, interpretantur. Omnium frugum prima ad maturitatem peruenit; breui enim ante exitum Israëlitarum ex Aegypto, omnibus frugibus grandine percussis, hordeum maximam calamitatem subiisse legimus, quippe quod iam in culmos maturescentes excreuerat. Exod. XI, 34. Ex eadem causa festo Paschatis manipulus hordei, primitiarum loco Deo erat consecrandus. Quod hordeum Jes. XXVIII, 25. adiuncto epitheto שערור נסמן dicitur, in eo valde inter se discrepant interpretes, aliis hanc voculam נסמן per hordei adiunctum, aliis per peculiare frumenti genus explicantibus. Qui priorem amplectuntur interpretandi rationem, ii hordeum pingue, præstans, aut præ cæteris insigne dici putant? Quæ vero explicatio aliis non probatur. Quam enim verbo נסמן tribuunt significationem, signauit, eam posterioris esse ætatis perhibent, a Rabbinis demum ex græcorum verbo σπυραιον adoptatam. Hanc ob causam hanc vocem esse nomen substantiuum, & peculiare plantarum genus denotare putant. Jam vulgatus Bibliorum interpres, itemque Aquila & Theodotion, hanc viam sunt ingressi, illeque vocem nostram per milium, hic autem per κρυζον, & ζεαν, inter-





pretati sunt. Nonnulli ex recentioribus milium indicum intelligunt, quod apud Arabes Duræ, apud nos autem frumenti Saracenici nomine notum est. Varia huius frumenti in oriente reperiuntur genera; aliud enim grana, pisa magnitudine æquantia, rufa, aliud purpurea, aliud subcandida profert, quorum alterum altero præstantius habetur. Jam PLINIO & COLV-MELLA testibus, ex eo panis quidam prædulcis præparatur, qui priusquam refrigescat, cum iucunditate absumi potest. Hanc frugem eandem esse putant, quam Latini holcum, itemque aristeam vocant. Arabes hodieque ex ea panem pultemque præparare, NIEBVHRIVS, quem iam sæpe citauimus, docet, eundemque priscis huius regionis incolis fuisse morem, ex eo colligimus, quod Arabes a maiorum suorum institutis vix latum digitum discessisse, compertum habeamus.

Tertium frumenti Palæstinensis genus, cuius in sacris litteris mentio iniicitur, illud est, quod Ebræi lingua sua כממ vocant, quod speltam esse, plerique interpretes, si ab Hieronymo paucisque aliis, qui viciam esse putant, discesseris, adfirmant. Hoc frumentorum genus esse tritico quam simillimum, sed sapore fere præcellens, inter omnes constat, nec illud in superioris Germaniæ partibus esse insolens. Aegypto id inprimis fuisse peculiare, HERODOTVS docet, multi alii, inquiens, victitant tritico & hordeo, Aegyptio autem iis vescenti, maximum est probrum, sed victum parant ex olyris, zeas alii vocant. Duorum illud fuit generum, vnum simplex, vnus tantum grani, alterum geminis in putaminibus grana bina iuncta gerens. Zea, quam nos speltam vocamus, ori gratissima, non solum cibo idonea putabatur, sed veteres potum quoque ex ea præpararunt. Tritico & hordeo plerumque est adiuncta, non in sacris solum libris, sed apud profanos quoque auctores: sic enim HOMERVS ait:

πυροι τε Ζειαι τε, ἡδ' εὐραφες καὶ Λευκον.

Ezechiel panem suum confecturus, miscere speltam, triticumque & hordeum iubetur fabis, lentibus & milio, qui miscellaneus panis signum fuit penuriæ & famis, quam obseffa vrbs Hierosolyma erat toleratura.

(cap. IV, 9)

Præter



Præter hæc & alia quædam erant frugum Palæstinenſium genera, cum a ſacris ſcriptoribus, tum a Rabbiniſ memorata niſp cuius Jeſ. XXVII, 25. fit mentio, communi interpretum ſententia nigellam, quam Græci melanthium, itemque mélanspermon dixere, fuiſſe conſtat. Fuit ſemen acre & odoratum, coloris nigri, quod capitulis fruticis alicuius puſilli continebatur. Hebræi illud panibus & cibis condimenti loco indere ſolebant (Plin. hiſt. nat. XIX, 8. XX. 17.) מן eodem loco Jeſaiano memoratum, fuit cuminum pratense, Hebræis ita dictum, quod inter reliquas pratorum herbas & gramina latens creſcat; hoc ſale mixtum condimenti loco habitum fuit; PLINIO enim teſte omnium condimentorum ſtomachi ſtidiis amiciffimum fuit. (H. N. XIX, 8) Hiſce frumentorum generibus in agro conſitis ſæpe ſeſe immiſcet herba quædam, externam quidem tritici ſpeciem habens, natura autem prorſus ab ea diuerſa. Hebræi, illam זיזא Græci *Zizania*, Latini lolium vocant. Secundum deſcriptionem Rabbino- rum gerit folia culmosque nodofos, tritici quodammodo ſimiles, paullo tamen hirsutiores; cum eo naſcitur, ſeminibus ipſorum corruptis, aut in deterius mutatis; quod fieri dicunt, cum tritici ſemen, priuſquam terra erumpat, diutius retineatur, aut nimia humiditate, aut nimio calore corrumpatur, aut ſolum habeat vliginoſum; triticum in lolium, propinquam atque adfinem congeneremque ſpeciem, & viciffim lolium in triticum abire, contendunt. Sed acutiores rei botanicæ magiſtri hæc cum aliis Rabbino- rum fabulis pari paſſu ambulare adfirmant, falſumque eſſe dicunt, tritici ſemen in peius mutari; ſed quæ veteribus dicantur Zizania, ex peculiari aliquo ſeminum genere naſci; prouocant ad parabolam Chriſti, vbi lolium non ex corrupto tritici ſemine, ſed, quod malignitate aduerſarii aliud ſemen agro iam ſeminato inſperſum fuerit, natum eſſe dicatur, Matth. XIII, 25 - 27. Et reuera hodie apud Arabes eiſmodi germinis genus reperitur, quod lingua ſua Siwan, nomine ab Hebræorum מן non multum adhorrente, inſigniunt. Hoc ſeminis genus ita fere deſcribunt: color eſt ſubniger, viridi amaritudo nec acris nec ingrata eſt, guſtanti- tamen vehementer diuque adficiens. Eſt exile, longiuſculum, ab extre- mitate vna tenue, ab altera plenius, operiente hanc tegumento, quod  
C  
ſummi-





summitatem capuli in ense repræsentat, & cortici se immergens, coronula rotunda cingitur, particulisque haud raro pilosis atque persistentibus. Duplex eius est genus, alterum maius, alterum minus vocatur. Sivan maius simile est tritico, ex quo panes confici possunt, leue pondere, & mandenti glutinosum sentitur; Sivan minus autem homines temulentos facit, haud lætos sane, sed mœrore graues (*Relation Goetting de libris nouis, fasc. X. p. 533. NIEBVHRIUS l. c. p. 160.*) Hisce frugum generibus, quæ in sacris litteris commemorantur, Rabbini adhuc duo adiungunt, Palæstinae quondam propria, quorum vnum שבלת שועל alterum autem שיפון vocatur. Illud quidem, quod ob similitudinem caudæ vulpinæ latine spicam vulpinam dicere possis, per hordeum silvestre, itemque auenam explicant; sed qui terras orientales propius perlustrarunt, ibi auenam frustra quæri perhibent: hoc autem secale nostrum esse dicunt, non feliciores interpretes; hoc enim frumenti genus populis ad septemtrionem positis vñtatum, regionibus australibus ignotum esse constat. Nullam harum frugum mentionem nisi in Talmude (*tract. Pesach. cap. III. p. 5.*) fieri nouimus; quam parum autem Rabbini rerum naturalium sint periti, satis constat; hanc ab causam eorum narrationibus explicandis frustra operam dare nolumus.

Fuerunt & alia terræ bona, in quibus tribuendis natura sese Hebræis fautricem atque beneficam præstitit. Egregium decus, quo Aegyptum Palæstina longe superauit, fuerunt vineta & oliueta, quæ hic adeo erant feracia, vt non incolarum solum vsibus cederent, sed alias etiam gentes sustentarent. Aegyptusne vinum genuerit, variæ multumque inter se discrepantes veterum sunt opiniones. HERODOTVS, qui ipse Aegyptum peragrauerat, nullas ibi se vidisse vineas ait (*L. II. c. 77*) PLINIVS contra, Sebeniticum vinum tribus generibus vuarum nobile nasci, & inde Romam deferri, adfirmat (*Hist. Nat. XIV. c. 7. §. 9*) ATHENÆVS multus est in laudando vino Alexandrino, & ex vtraque ripa Nili multas esse ait vites, generosum vinum gignentes. (*Deipnosoph. L. I. p. m. 33*) Qui recentiore autem ætate Aegypti rationes oculis propius perlustrarunt, nullas ibi esse vites docent, præter eas, quæ in domorum parietibus conspiciantur.

(Maille)





(*Mailletus in descriptione Aegypti T. II. p. 17*) Quæ testimonia sibi contradicentia hoc fere modo concilianda esse videntur, ut diuersæ historiæ Aegyptiæ epochæ distinguantur. Antiquissimis quidem temporibus nullus, aut valde mediocris erat in Aegypto vini vsus; post ea autem sub Alexandri Magni successoribus, qui hoc regnum sub sua tenuerunt ditione, multum vino impendebatur curæ; denique sub Mahommedanorum imperio vini cultura rursus negligebatur, vineæque deuastabantur, paucissimis tamen in locis circa Alexandriam nonnullæ vineæ inueniuntur, quarum vsum Christianis ingenti mercede relinquunt. Ipsum quidem Aegypti solum plantandis vineis non esse idoneum, satis adparet; collibus enim, quos apertos amare Bacchum, Horatius docet, totam fere Aegyptum, certe inferiorem eius partem, penitus carere constat; in planitie autem vuae ad maturitatem peruenire non possunt, præsertim cum eo tempore, quod vuis maturefcentibus adprime conueniens est, Augusto scilicet mense, terra Nilo inundetur. Desiderium ergo vini Aegyptiis expleturis necesse erat, illud ab exteris gentibus repetere, ac in terras suas deuehere: quod cum rationibus suis minus esse proficuum animaduernerent sacerdotes, qui iidem rerum ciuiliū erant magistri, religionis quoddam commentum in subsidium adhibuerunt. Docuerunt scilicet, vino inesse aliquid pestiferi, neque illud tam a Deo, quam a malo genio, Diis hominibusque inimico, originem duxisse. PLUTARCHVS, ante Psammetichi regis ætatem Aegyptios docet neque bibisse vinum, neque Diis libasse; hoc enim esse sanguinem gigantum, qui aliquando bellum Diis intulissent, ex quorum cadaueribus terræ permixtis vites ortæ fuerunt. (*Plutarch. de Iside & Osiride, Opp. T. I. p. 358*) Nefandis igitur vinum dedecorarunt nominibus, modo fel principum tenebrarum, modo sanguinem terræ ac diabolorum, compellantes. Hoc igitur cum persuasum fuerit Aegyptiis, mirum non est, eos a vino prorsus abstinuisse. Pharaonem quidem, regem Aegypti, succum ex vuis expressum, & aqua dilutum, bibisse legimus (Gen. XL. & seqq.) sed vinum atque vuarum succum non perinde habitum fuisse, ex aliis quoque locis intelligimus. AVGVSTINVS inquit: quæ tanta peruersio est, vinum putare fel principis tenebrarum, & vuis tamen comedendis non parcere (*de moribus Manichæorum,*





rum, l. §. 44. (Opp. II. p. 752) Et ipse Mahommedes adfeclis suis vsum  
vuarum eam ob causam indulget, quod eæ salutare alimentum præbeant.  
(*Corani sura* XVI. v. 1) succus scilicet ex vuīs expressus, antequam fer-  
mento intumescat, inebriare non solet. Quamuis ergo lautioribus ac deli-  
catoribus hominibus vuas recentes aut passas gustare, siue lpotum ex iis  
expressum bibere, licuerit; hoc tamen non eo valuit, vt vini cultura Ae-  
gyptiis propria fieret. Lex enim, qua Aegyptiis vino vtī interdictum erat,  
eo tantum spectabat, vt, cum Aegyptus careret vineis, ne illud ab exteris  
gentibus patriæ incommodo repeteretur.

Longe alia autem erat terræ Palæstinensis ratio; hæc enim terra,  
si quæ alia, vini fuit feracissima, hodieque etiam, quamuis Turcis, terræ  
huius dominis vini, culturæ non admodum fauentibus, ac regione multis  
bellis ac seditionibus deuastata, multæ sunt vineæ, ex quibus quotannis  
ingens vuarum passarum copia in Aegyptum aliasque terras exportatur.  
Vites ibi crescunt tanta altitudine, vt arbores esse videantur, villasque &  
domus palmitibus & sequacibus locis ambiunt, adeo vt sub vite arbutiua,  
tanquam sub frondea casa, incolæ confidere soleant. Mich. IV, 4. Vitium  
stipites ibi admodum crassi palmites late extendunt. Mirabile dictu est,  
quod de vitibus Palæstinensibus tradit SALIGNACVS. Eadem vitis, inquit,  
ter in annos producit vuas, & maturant omnes tempore suo, hoc quidem  
modo: Vinitores cum putant vites, relinquunt tot palmites prioris anni,  
quot satis esse putant; deinde postquam palmites novos incepit producere  
& botros paruulos, incidunt residuum de palmite, quod est supra botros:  
mense Aprili palmes incisus supra botros pullulat, & alium producit palmi-  
tem, nouis botris instructum, quo viso iterum præciditur, quidquid supra  
est; mense denique Maio idem fit, & hoc modo tres vuarum ordines ha-  
bentur, quæ hac lege maturant, vt, quæ mense Martio pullulauerunt, mense  
Augusto vindemientur, quæ Aprili gemmas protruserunt, mense Septem-  
bri ad maturitatem perueniant, Octobri tandem eæ decerpantur, quæ  
Maio mense pullulare cœperunt: vnde per totam fere æstatem vuīs matu-  
ris frui licet. (*itinerarium terræ sanctæ* L. II. c. 1) Ad vitium magnitudinem  
vuæ



vuæ quoque nascuntur nostris plane inæquales. Dari vuas decem vel duodecim librarum pondere, SCHULTZIVS auctor est. (l. c. p. 135. 285) Hinc ea lucem scenerantur, quæ de exploratoribus a Mose in Palæstinam missis, & ingentis magnitudinis vuas testimonii loco secum adferentibus, narratur. Num. XIII, 24. Hoc tamen non ita intelligendum est, ac si vuæ tam grandes grauesque fuerint, quæ ab vno homine portari nequiverint, sed termitem cum vuis abscissum, ut eum incolumem ferre possent, palo impositum tulerunt. Memini me alicubi legisse, amatorem cum amica ludentem, acinum ipsius ori ingessisse, qui tam grandis fuerit, ut mulierculæ spiritum præcluserit. Ipsa vina, quæ in Palæstina proueniunt, pretiosa & suauia esse dicuntur, & sapore cum Italicis comparantur. HASSELOVISTIVS, qui ipse ea gustauerat, summis ea effert laudibus, eaque ad generosa Germaniæ vina, quæ in regionibus ad Rhenum nascuntur, accedere putat, unde nonnulli vites ex Palæstina in Germaniam translatas fuisse opinantur. Ante viginti, & quod excurrit, annos Arabs quidam in nostris regionibus versatus, cum vinum Rhenanum viginti annorum gustaret, illud sapore ad vinum Palæstinense prope accedere adseueravit. Fuit Hebræis potionis quoddam genus, quod lingua sua תירוש f. mustum adpellant. Si vocis huius originem spectes, potum denotare videtur, qui se possessorem hominis faciat, eiusque cerebrum ita occupet, ut ille sui non amplius compos sit: sic Arabes quoque vinum a captiuando dicunt; Sic Turcæ aut vino prorsus abstinendum esse dicunt, aut eo ita vtendum, ut ebrietas inde sequatur; hunc enim in finem illud a natura datum esse. Hac voce igitur aut liquorem denotant, qui recens ab vuis calcatis aut torculari subditis effluit, aut generatim vinum quoduis signant. Interdum tamen vino tanquam peculiare potionis genus adiungitur e. g. Hof. IV. 4. quod præcipue in deliciis habitum fuit Gen. XXVII, 18. Jud. X. 13. Jes. XXIV, 7. Hoc idem fuisse putant, quod in noui Testamenti libris vinum dulce γλυκὺς dicitur, Act. II, 13. Caue tamen, ista intelligas vina, quæ nos dulcia vocare solemus, admixtis aliis quibusdam rebus arte facta: sed ita vocantur, quæ feruere prohibentur, semperque nativam suam dulcedinem conseruant. Multiplex eorum præparandorum fuit modus, quorum tantum vnum ex COLVMELLA adferemus. Ita autem ille: Antequam prelo vinacea subiiciantur, de lacu (hoc est vas, quod mustum continet, cum prelo exprimitur) quam recentissimum addito mustum in amphoram nouam, eamque obliuio, & impicato diligenter, ne quidquam aquæ introire possit; tunc in piscinam frigidæ & dulcis aquæ totam mergito amphoram, ita ne qua pars exstet; deinde post dies quadraginta eximito, sic usque in annum permanebit dulce (*de re rustica* L. XII. c. 29.) Præstantius huius potionis sacerdotibus dandæ genus vocatur תירוש חלב Num XVIII, 11. quod siue de flore vini, siue vuis præstantissimis, quæ singulæ decerptæ torculari solæ premuntur, efficitur, quæ





hodie Tokayensis essentiae, quam vocant, conditio esse solet: siue ex peculiari quodam vuarum genere, quæ Hebræis קורש dicuntur, exprimitur. In hac voce explicanda interpretes in duas abeunt opiniones; alii vuas cœruleas, e quibus vinum rufum nascatur, intelligunt, alii eiusmodi vuas, quarum acinis nulli vinaei, siue semina insint. NIEBVHRIUS, MICHAELIS rogatu, hac de re ipsos eius terræ incolas sciscitatus, nihil certi inuestigare potuit, nisi quod esse quoddam vuarum genus audiuerat, quarum semina non quidem sint vinacei, sed pultem quandam, quæ dissectis baccis a reliquo succo facile discerni possit. Ex his omnibus Palæstinam vini fuisse feracissimam abunde patet. Huius rei quoque gloria in sacris litteris plurifariam ornatur. Vocatur terra frumenti & vini, terra panis & vinearum, 2 Reg. XVIII, 32. Jes. XXVI, 17. Jesaias maximum terræ infortunium minitaturus, gaudium & lætitiā ex vineis sublatum iri, vinumque in torcularibus non calcatum iri ait; cap. XLV 21. Multæ quoque dictiones occurrunt, a vinearum similitudine petitæ. e. g. Ps. LXXX, 6. Jesu, 1. Jer. XII, 6. Quæ omnia vinearum usu Palæstinam multis aliis regionibus, & inprimis Aegypto fuisse potiore, commonstrant.

Quæ hætenus de vinetis diximus, ea etiam de oletis valent, quibus Aegyptus pæne tota caruit, Palæstina autem abundavit. Cum hæc arbor montes collesque amet, eius exiguam in Aegypto fuisse copiam, mirum videri debet nemini. Paucis quidem quibusdam regionibus tam felicibus esse contingit, ut oliuas gignant, eæ vero tam exiles & insipidæ esse dicuntur, ut aut plane nullum, aut saltem pessimi odoris oleum ex iis confici possit. Qui circa Alexandriam sunt horti, oleas quidem ferre, oleum autem non suppeditare dicuntur. Utuntur quidem semine quodam, quod sesamum dicunt, ex cuius granulis oleum exprimunt, quod vero, NIEBVHRIO teste, oleo Palæstinensi multo est inferius. Hinc Aegyptii plurimam partem oleo abstinere, & si quando eo cum oleribus misto utuntur, pauxillum tamen, & quantum herbarum victui mitigando sufficiat adhibent; Palæstina vero superfluenta olim olearum multitudine ita redundavit, ut nulli regioni cederet. Magnus ille regis Sanheribi pocillator, Iudæis probaturus, Assyriorum terram bonitate & prouentu eorum, quibus vita carere non possit, cum Hebræorum terra contendere, præter alia adfert, terram olei esse feracem. 2 Reg. XVIII, 32. Quam ferax autem olearum Judæa fuerit, vel ex prouentu olei colligi potest. Salomo quippe Hiram, Tyrriorum regi, quam diu seruis eius ad paranda ligna utebatur, dedisse legitur vicies mille bathos olei, 1 Reg. V, 11. 2 Parall. II, 10. Vnde etiam Ezechiel propheta Tyrum ita adloquitur: Juda & terra Israhel, institores tui, in frumento primo balsamum & mel & oleum & resinam proposuerunt in nudinis tuis cap. XXVII, 17. Nascabantur in montibus atque collibus, quibus Judæa magna ex parte abundabat. Memoratur in primis, qui a multitudine olearum dictus fuit, Mons Oliueti, positus e regione templi; laudatur mons Archob, qui Talmudistis Tragona dicitur, ob olei præstantiam; eodem honore habitus est mons Thecon; in laude quoque fuit



fuit oliua Nētophæa, in confiniis Bēthlehēminata. Præterea aliæ erant rupes, quæ oleum fundere dicebantur. Deut. XXXIII, 24. Hodie quoque magnam eius in his regionibus prouenire copiam, qui ibi peregrinati sunt, vno ore fatentur omnes. SCHVLZIUS se non procul ab Hierichuntē vrbe multa oliueta inuenisse testatur (l. c. p. 86.) & HASSELQVISTIVS nulla in regione oleum iucundiores habuisse saporem, quam in Palæstina, idque illi, quod in aliis regionibus nascatur, multo esse præferendum, ait. Mirifice hac in re Judæis ab ipsa natura consultum fuit; oliuæ enim cultura proficua omnino est, nec multum requirit laboris,

— — non vlla est oleis cultura; neque illæ  
 Procuram expectant falcem rastrosque tenaces;  
 Quum semel hæserunt aruis, aurasque tulerunt;  
 Ipsa fatis tellus, quum dente recluditur vncō,  
 Sufficit humorem, & grauidas cum vomere fruges. (*Virg. Georg. II. 420*)

Quorum fructuum omnium culturam vt Moses magis magisque promoveret, cultum Dei publicum a se præscriptum in subsidium adhibuit. Primum inter sacrificia Deo offerenda erant ferta ex frugibus terræ, farina scilicet triticea, aut hordacea, quæ aut cruda offerebantur, aut parata seu cocta in patella, vel frixa in sartagine, vel adusta in furno. Interdum libamina sibi adiuncta habuerunt, quæ quibusdam sacrificiis addi debebant. Hæc erant vel publica, quæ totius congregationis nomine offerebantur, qualia sunt, manipulus primitiarum, panes festo pentecostes offerendi; vel priuata, v.g. illud fertum, quod sacerdotes, cum munus suum adirent, siue pontifex eodie, quo vngebatur, offerebat, quibus ferta ex voto oblata accedebant. Horum libaminum cum tam frequens esset vsus, Israelitæ, vt sibi frumentorum copia suppeteret, magnam curam adhibere tenebantur. Hisce libaminibus addi solebat vinum & oleum, vnde & his gignendis operam dare debuerunt. Deinde butyri vsu, quo aliæ gentes carnes siue elixas, siue assas, mitigare solent, Israëlitis prorsus erat interdictum Exod. XXIII, 26. Deut. XIV, 21. Vnde & hodierni Judæi pro butyro lege Mosaica vetito, adipe anserina vtuntur. Neque vero Israëlitis eo opus habuerunt, cum præclarissimi olei copia ipsis suppeteret. Qui ab ineunte ætate butyro aduésacti sunt, iis quidem hoc mirum videtur; sed ipse olei sapor butyrum longe antecellere dicitur iis, qui vtrunque sine præiudicata opinione solo linguæ iudicio examinant. Ne autem quis putet, hanc opinionem sacræ scripturæ esse contrariam, cum butyri tam crebra mentio in ea fiat; vox hebræa, חֵמֶה quæ vulgo butyrum latine redditur, nil aliud, quam lac concretum, siue generatim omne lac significat. Quod si omnia ea loca, vbi hæc vox occurrit, recte consideraue-  
 ris, commodissimus nascitur sensus, si eam non per butyrum, sed lac verte-  
 ris, e. g. Jud. V, 25. Job. XXIX, 6. alibique; lactis enim potum antiquis-

simis





simis in usu fuisse populis satis constat. Vt ergo Israëlitaë oleo in cibis suis uterentur, Moses non butyro solum, sed adipe quoque rerum strenue iis interdixit, curamque habuit, ut terra Israëlita non solum necessitatibus, sed deliciis etiam abundaret, ne necesse haberent, ad alias gentes migrare, & foris quærere, quod domi habere possint.

Nil iam superest, nisi ut id agamus, cuius causa hæc præfati sumus. Lustratio scholastica, quam crastino die Deo volente celebraturi sumus, nobis est significanda, & Oratores, qui in ea prodituri sunt, nominandi.

Primus quidem cathedram conscendet superiorem, *vir plurimum re-verendus & doctissimus*, M. JACOBVS THEODORVS FRANCISCVS RAMBACH, *Gymnasii nostri Conrector dignissimus*, qui mihi ex aliquo iam tempore ex laterum infirmitate laboranti, dicendi suscepta prouincia, hac vice otia factururus, docta & exasciata oratione, *cur verã verborum significatio in latinis scriptoribus investigatu sæpe perdifficilis sit*, ostendet.

Scholastica deinde instituetur lustratio, in qua ex singulis classibus, si quartam excipias, bini prodibunt Oratores, bonæ spei adolescentes, cum adscriptionem in curias superiores, tum præmiorum remunerationem, grata mente deprædicaturi. Nomina eorum sunt, quæ sequuntur

<i>Ex prima classe:</i>	ANTON. CHRIST. RITTER, Fr.
	JOAN. CHRISTIAN. EVNSEN, Fr.
<i>Ex secunda classe:</i>	GEORG. ERNEST. LEO, Wetzl.
	JOAN. CONR. PLITT, Fr.
<i>Ex tertia classe:</i>	JAC. FRID. LEONHARDI, Fr. gallica.
	JOAN. ELIAS GAUDELIVS, Fr.
<i>Ex quarta classe:</i>	JOAN. MAXIM. WALLDORFF, Fr.
<i>Ex quinta classe:</i>	GEORG. JACOB. ALMERAS, Fr.
	JOAN. MAXIM. A RIESE, Fr.
<i>Ex sexta classe:</i>	JOAN. JACOB. BRINCKMANN, Fr.
	CHRIST. GOTTL. STELLWAG, Fr.

Vt igitur illustris reipublicæ nostræ Proceres, PATRES PATRIÆ BENIGNISSIMI, in primis VENERANDI CONSISTORII DIRECTOR & ASSESSORES SPECTATISSIMI, Ecclesiarum nostrarum ANTISTITES SUMME ac PLVRIMUM REVERENDI, CONSVLTISSIMI & EXPERIENTISSIMI Juris & Medicinæ Doctores, omnes denique litterarum fautores & cultores, frequentes adesse, oratoresque nostros, ea, qua solent, beneuolentia audire velint, summa pietate & obseruantia oro rogoque. Nos vero ad quæuis officia vicissim præstanda promptos paratosque esse futuros, religiose pollicemur. P. P. Francofurti ad Moenum, a. d. V. Cal. Octobr. A. O. R. MDCCLXXXVI.